

Ончта кӧдлдг хӧӧч

Яшкульск района „Лиман-ный“ совхозин хойрдгч фермд Насунов Евгр болн Нарма гидж ах-дӱ хойр хӧӧчнр болдж, седклән ӧгч, шундж кӧдлдж бӧәнӧ. Нармань 70 кӱрсн наст, тер бийнь ода чигн чанъгъ. Эдн 1188 толгъа хӧ хӧлӧдж хӧрӱлджӧнӧ, хӧӧдиннь чинӧнь ик сӧн.

Евгр Нарма хойр бичкнӧсн авн мал хӧлӧлгънд йова, тер дотр хӧн малд ик дурта. Эдн хӧӧдӧн ӧрӱн 5 часла хӧрӱлгънд гаргъна, 11 час ӧдрӧр усллгънд орулдж ирӧд, 4 час

кӱртл амрлгънд бӧәнӧ. Терӱнӧ хӧӧн хӧӧдӧн босхад, хӧрӱлгънд гархларн, хойрдад услчкад гарна, тер кевӧрн сӧӧни дуусн хӧрӱлнӧ.

ӱвлдӧн хӧӧдин ӱвлзх хаша-хаацнь белн, дулалад шалдад, цагъалгъчксн бӧәнӧ. ӱвлин хотинь чигн ӱвлзньгӱр ӧӧрдӱлӧд зӧӧгъӧд белдчкв.

Эн ончта хӧӧчнрӧс ӱлгӱр авч, шундж кӧдлдж, хӧӧдин ӧслт улм чанъгъадж, хӧӧнӧс ноос гаргългъ икдӱлхмн.

БОКТАН МАНДЖ.